



Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 52. Theologicæ Facultatis Parisiensis censuræ.

[urn:nbn:de:hbz:466:1-66800](#)

Sæcul. XVI. Ceterum pacis conditiones, quas Historici fusius referunt, non minus Víctori erant glorioſæ, quam devictis admodum proficuæ.

A.C. 1559.

§. LII.

*Theologicæ Facultatis Parisiensis
censuræ.*

*Argentre
Coll. & jud.
de novis
error. tom. I.
p. 21. t. 2.
p. 277.*

Hoc anno quasdam censuras a Parisiensi Facultate Theologica pronuntiatas fuisse comperimus, ac præprimis die quarta Aprilis petente Curcellio Syndico damnabatur liber, cui titulus: Instructio Christiana pro pueris: postquam igitur Facultas ex hoc libro quasdam decerpserat propositiones, tandem conclusit, *hunc librum esse maxime perniciosum, pestiferum, destructorem potius juventutis instituendæ, quam instructorem, non tantum quia pleraque omittit necessaria ad instructionem puerorum, uti sunt dogmata de confessione Sacramentali, de invocatione Sanctorum, de precibus pro defunctis, de audiendo Sacro, &c.* Et in hoc, quod dicit: Solus Christus Dominus est Mediator, & Advocatus pro nobis, *aperte est hæreticus, & passim suspectus de hæresi Sacramentariorum.*

Altera censura die decimo quinto ejusdem Mensis Augusti lata perstringebatur liber a Senatu ad Facultatem transmissus, cui titulus: *Modus in literis*

ris Gallicis prompte, & faciliter addiscendi, Sæcul. XVI.
 quomodo quis rite legere prompte scribere, A.C. 1559.
 simulque in omni necessitate Deum orare valeat. Hic liber, cuius Author erat Petrus Habertus, Parisiis Regis privilegio munitus prodiit, quem Facultas mature perlegit, examinavitque, atque ex eo duodecim depropnsit propositio-nes, quas sequentibus censuris notabat: Harum propositio prima erat hæc: *Ab illo solo omne tuum bonum, salusque penitus dependet.* Hæc propositio, inquit Fa-cultas, collata cum aliis consequentibus ejus-dem libri propositionibus, scilicet decima, & undecima, excludens præceptorum Ecclesia-sticorum observantiam, cooperationem liberi arbitrii, bona opera, Sanctorum interces-sionem, vim Sacramentorum & efficaciam, sine quibus non est salus, contraria est sacrae Scripturæ.

II. Oratio, Sancta Maria ora pro no-bis, est omittenda. Author, ita censemant Doctores, perniciose & Schismatice contra antiquam, & receptam Ecclesiæ consuetudi-nem, dividit modum salutandi divam Vir-ginem Mariam, instituendis potissimum pue-bris proponi solitum, subdole nomen Maricæ suppressit, & non sine vehementi suspicione negantium divam Mariam, & Sandos esse orandos, omittit orationem, Sancta Maria ora pro nobis &c.

III. Cre-

Sæcul XVI. III. *Credo quod Christus Dominus Es.
qui est solus Mediator, & Advocatus orant
pro nobis.* Hæc propositio sic indistincte po-
sita excludit Sandorum intercessionem, &
avertit Christi fideles, præsertim simplices
& parvulos a precibus ad illos fundendis,
proinde vehementer de hæresi suspecta est.

IV. *Quicquid in nobis est, nihil boni in
nobis reperimus.* Hæc propositio sic in-
distincte posita conspirat hæresi lutheranæ,
olim a facultate damnatae; quod, quidquid
in nobis est, peccatum est.

V. *Non facies tibi sculptile.* Hic locus,
inquit Facultas, unus est ex multis sa-
cerœ Scripturæ, quos simplicibus, & pu-
stulis, qui non habent sensus exercitatos, lin-
qua vernacula sic nude & sine explicatione
proponi, olim fuisse, & adhuc nunc esse
Religiōni Christianæ valde perniciosum ex-
perimur.

VI. *Memento requieci.* Hæc propositio
sequenti censura notatur: „licet Au-
thor proponendo præceptum de sanctificatio-
ne Sabbati reddat ad verbum Scripturæ
contextum, tamen quia hoc vernaculum vo-
cabulum, REPOS, nec hoc loco exprimit,
aut insinuat diem Dominicum, qui in lege
Evangelica Sabbatho & requieci iudeorum
successit, nec in toto libro meminit illius diei
Dominici, nec festorum, quæ ab Ecclesia
observari solent, hac versione nec sufficien-
ter, nec Christiane pueros & simplices in-
stituit.

VII.

VII. Nec illi addas, nec demas: licet Sæcul XVI.
nihil, censent Facultatis Doctores, con- A.C. 1559.
trarium, Sacræ Scripturæ sit addendum,
tamen Auctor in hac puerorum institutione
locum Scripturæ sine ulla explicatione sub-
dole proponit, quo hæretici falso, & per-
niciose intendunt nihil esse recipiendum, fa-
ciendum, aut omittendum, nisi quod sit in
sacra Scriptura expressum.

VIII. Expecto omne meum bonum, ac
felicitatem tua sola benedictione. Hæc pro-
positio simili censura, ac prima perstrin-
gitur.

IX. Si Castorem, & Pollucem Gentilium & Paganorum rejicis, non sis tibi-
met ipsi Sydus &c. „Captiose & irrever-
reenter sub nominibus Castoris & Pollucis,
videtur innuere in periculis non esse invocan-
dam Virginem Mariam, nec ceteros Sanctos.

X. & XI. In te solo est spes mea, ego
nullam spem nisi in tuam solam bonitatem
habeo: Non aliam habemus securitatem, &
refugium nisi in te solo. Ambæ hæ pro-
positiones censuram primæ æqualem
ferebant.

XII. Oratio in die, ubi ad Synaxin
acceditur, recitanda. Hæc oratio fuit
condemnata, eo quod oratio sit Calvini,
qua suos olim Discipulos instruebat.

Die decima sexta Junii eadem Fa-
cultas habitu Sorbonnæ conventu de-
liberabat, an librorum, quos Paulus IV,

Papa

Sæcul. XVI. Papa damnaverat, Indicem unacum
A.C. 1559. Doctorum approbatione typis vulgandi
 facultas concedenda esset, hancque in
 rem visum est Magistris istis, ut di-
 ctus catalogus diligenter prius perleg-
 endus esset a quibusdam ex Magistris
 nostris, ad quorum relationem facul-
 tas videret, quid esset agendum. Ob-
 latum est insuper in eodem congressu
 opus jamjam impressum Joannis Feri in
 Matthæum, illudque offerebatur, eo fine,
 ut examini subjectum, si opus fuerit,
 corrigeretur. Ad hoc vero censuerunt
 Doctores, librum hunc impressum, quod
 scateret plurimis erroribus, ac hæresibus,
 quemadmodum dixerunt, & docuerunt
 quidam ex Magistris nominatis, qui illum
 legerunt diligenter, esse suppressendum,
 indignumque esse emendatione, ac cor-
 rectione, ut imprimatur, ne sub nomine
 correctorum simul incorrecti vendantur,
 qui jam sunt in Germania, & Burgdunia
 impressi.

Vide supra
Lib. CLIII.
§. 109.
seq.

Die vigesima tertia Augusti Facul-
 tas rursus congregata deliberabat circa
 propositionem, quam nonnulli Regii Sena-
 tus Patres in nupero suo, ut vocant,
 Mercuriali confessu, circa necessitatem
 Synodi, ac circa hæreticorum poenas
 usque ad hujus Concilii celebrationem
 differendas enuntiabant: Hanc vero
 propositionem ipsemet Franciscus II. Rex
 ad

ad Facultatem deferebat, his conce- Sæc. XVI.
 ptam verbis: *In dubiis, ac opinionum va-* A.C. 1559.
rietate, quæ tam circa Sancta Ecclesiæ Sa-
cramenta, Constitutiones & Dei, necnon Argentre
Ecclesiæ Catholicæ traditiones, quam circa
Missam, & pretiosi Corporis Christi Domini
consecrationem emergunt, ad novum Con-
cilium recurrendum est, interea vero solitæ
hæreticorum pœnæ suspendantur, ac cuili-
bet opinandi libertas relinquatur. „Hæc
 „propositio, declarat Facultas, quæ
 „nunquam in controversiam venire de-
 „buisset, & plane hæretica, sacramen-
 „taria, perniciosissima, errorum om-
 „nium, atque hærefum confirmativa,
 „Reipublicæ Christianæ, tam Ecclesia-
 „sticæ, quam civilis eversiva, & qui-
 „cunque eam quomodolibet defenderit,
 „hæreticus, sacramentarius, ac totius
 „Reipublicæ conturbator censendus est.,,

§. LIII.

Franciæ Regis epistola ad Facultatem Theologicam.

Biduo post Facultas a Rege epistolam
 recepit hujus tenoris: Carissimis, ac
 dilectis Decano, & Facultatis Theo-
 logicæ Parisiensis Doctoribus. „Ca-
 „rissimi, ac dilecti: considerantes singu-
 „larem affectum, ac pietatem, qua de-
 „functus Rex noster admodum hono-
 „randus Dominus, ac Parens, quem
 Deus